

Islamska zajednica u Bosni i Hercegovini
Muftijstvo zeničko
Medžlis Islamske zajednice Zenica

BISMILLAHIRRAHMANIRRAHIM

Pitanja iz Ilmihala 2

(Drugi (II) nivo)

Četvrti razred

**Medžlisa Islamske zajednice Zenica
u mektebskoj 1443. h.g. - 2021/2022. godini**

Ševval / zul kade 1443. h. g. /maj /jun 2022. g.

Pitanja iz Ilmihala 2

(Drugi (II) nivo)

Četvrti razred

1. Kako se zvao prvi čovjek i žena na zemlji?

Prvi čovjek i prvi poslanik na Zemlji je Adem, alejhis-selam, a njegova supruga je bila Havva. Adem je stvoren od Zemlje, a Hava od Ademovog rebra.

2. Kako glase imanski šarti?

- Amentu billahi – vjerujem u Allaha
- Ve melaiketih – vjerujem u meleke
- Ve kutubih – vjerujem u Knjige
- Ve rusulih – vjerujem u poslanike
- Vel jevmil ahiri – vjerujem u Sudnji dan
- Ve bil kaderi hajrihi ve šerrihi minellahi teala – vjerujem da sve što se događa biva s Allahovom voljom i određenjem.

3. Šta je sunnet?

Sunnet je sve ono što je Muhammed a.s. rekao, radio, preporučio ili šutnjom odobrio da se radi.

4. Kada se ne može klanjati namaz?

- kada Sunce izlazi
- kada Sunce zalazi
- i kada je Sunce na sredini neba

5. Šta kvvari namaz?

- Ako izgubimo abdest
- Ako izostavimo neki od namaskih ruknova
- Radnje koje nisu sastavni dio namaza
- Pokreti koji ne priliče namazu
- Izgovoriti riječi koje nisu sastavni dio Kiraeta (učenja Kur'ana) npr odgovoriti na selam...
- Bespotrebno se iskašljavati ili žvakati nešto u ustima kao što su žvakaće gume
- Nepravilno učenje Kur'ana

6. Šta je sehvi sedžda i kako se čini?

Sehvi sedžda je sedžda koja se čini s ciljem da ispravimo grešku koju smo nenamjerno učinili u namazu (izostavljanje nekog namaskog vadžiba, ako klanjamo više od propisanog broja rekata, ako se dvoumimo). Čini se tako što na kraju namaza poslije predaje selama na desnu stranu učinimo dvi sedžde i onda ponovo proučimo etehijatu, salavate i dove te predamo ponovo selam na desnu i lijevu stranu.

7. Koliko je vrijedniji namaz u džematu?

Namaz koji obavimo u džematu vrijedniji je od pojedinačnog namaza 27 puta.

8. Šta klanjamo u džematu?

U džematu se mogu klanjati farzovi pet dnevnih namaza, vitr namaz i teravija u ramazanu. Namazi kao što su džuma, bajram i dženaze se klanjaju samo u džematu, te se ne mogu klanjati pojedinačno. Neki nafila namaz se može klanjati u džematu kao što je noćni namaz (kijamul-lejl).

9. Koliko osoba je potrebno da bi se namaz mogao klanjati u džematu?

Najmanje dvije osobe.

Imam – muškarac koji predvodi džemat

Muktedija – osoba koja klanja za imamom u džematu

10. Šta je zekat?

Zekat je izdvajanje određenog dijela imovine od strane imućne osobe, naređen Kur'anom i hadisom.

11. Koje godine je propisan zekat?

Propisan je druge godine po hidžri.

12. Šta je hadž?

Hadž podrazumijeva posjetu Kabe i drugih svetih mjesta u tačno određeno vrijeme. Obredi Hadža obavljaju se od 09. do 13. Zu-l-Hidžeta tj. dan uoči i u vrijeme Kurban/Hadžijskog bajrama. To je obaveza svih muslimana i muslimankih koji su u mogućnosti bar jednom u životu.

13. Koji su farzovi (obaveza) Hadža?

- Ihram – zanijetiti ulazak u hadždžske obrede zajedno s izgovaranjem telbije i oblačenje bijelih čaršafa (ihrama)
- Boravak na Arefatu – hadžije borave na Arefatu dan uoči Kurban/Hadžijskog bajrama, 09. Zu-l-Hidže
- Tavaf oko Kabe – obilazak oko Kabe sedam puta nakon pojave zore prvi dan Kurban bajrama, tj. TAVAFUZ-ZIJARE/TAVAFU-IFADA

14. Šta je MUKABELA?

Zajedničko učenje Kur'ana u džamiji, svaki dan po 1 džuz.

15. Šta je TERAVID NAMAZ?

Poseban noćni namaz koji se klanja u mjesecu ramazanu poslije klanjanja jacije namaza, ima 20 rekata i klanja se u džematu a može i pojedinačno.

16. Šta je ITIKAF?

Boravak u džamiji zadnjih deset dana ramazana isključivo radi ibadeta.

17. Šta je SEHUR?

Vrijeme pripreme za post koje traje do pojave zore

18. Šta je IMSAK?

Trenutak početka posta.

19. Šta je IFTAR?

Vrijeme završetka posta